

ԱՎԱՐՏԱԿԱՆ ՀԵՏԱԶՈՏԱԿԱՆ

ԱՇԽԱՏԱՆՔ

ԹԵՄԱ՝ Հանրակրթական առարկայական չափորոշիչներով
ամրագրված նվազագույն գիտելիքների յուրացման ապահովումը
համագործակցության մեթոդով

ԱՆՑԿԱՑՄԱՆ ՎԱՅՐԸ՝ ՄԱՐՏՈՒՆԻ

ԱՇԽԱՏԱՆՔԻ ՂԵԿԱՎԱՐ՝ ԲԵՅԲՈՒԹՅԱՆ ՀԱՍՄԻԿ

ՈՒՍՈՒՅԻԶ՝ ԳԱՅԱՆԵ ԶԻՐՈՅԱՆ

ԴՊՐՈՑ՝ <<Զուլաբարի Ալ.Վարդանյանի անվան N 2 միջնակարգ դպրոց>>ՊՈԱԿ

Բովանդակություն

1.Ներածություն-----	2
2.Գրական ակնարկ-----	5
3.Փորձարական հետազոտություն-----	7
3.1.Խմբի նկարագիրը-----	8
3.2.Փորձարական դասեր-----	8
3.2.1.Փորձարական դաս-1-----	8
3.2.2.Փորձարական դաս-2-----	13
4.Վերլուծություն-----	17
5.Գրականության ցանկ-----	18

1.Ներածություն

Ժամանակակից 12-ամյա միջնակարգ կրթության շրջանակներում հայերենի՝ որպես մայրենի լեզվի, և գրականության ուսուցումը կարևոր նշանակություն ունի անհատի, քաղաքացու քարոյական կերպարի և արժեքային համակարգի ձևավորման գործում:

Լեզվի ուսուցման անփոխարինելի միջոց է գեղարվեստական գրականությունը:

Գրական բնագրերը օգնում են սովորել լեզվական այն երևույթներն ու հասկացությունները, որոնք ունեն գործնական նշանակություն և նպաստելու են ճիշտ խոսք կազմելու, մայրենի լեզվով ազատ հաղորդակցվելու կարողությանը, լեզվատճական հմտությունների զարգացմանը, ստեղծագործական կարողությունների խթանմանը: Մրանով ավելի արդյունավետ է դառնում լեզվի և գրականության կապ:

Գրականության ուսուցումը նպաստում է ազգային գեղարվեստական մտածողության զարգացմանը, օգնում է բացահայտելու հայ ժողովրդի պատմական ճակատագիրը և հայ մարդու կերպարը, գրական-գեղարվեստական նյութը ունի ճանաչողական և դաստիարակչական նշանակություն:

Հայոց լեզվի ուսուցման նպատակը պետք է լինի սովորողի մեջ մշակել ժամանակակից գրական հայերենով համապատասխան խոսք կառուցելու, իր խոսքը վերհսկելու, մայրենի լեզվով ամենատարբեր բնույթի տեքստեր կարդալու և ինքնուրույն հասկանալու կարողություններ:

Հայոց լեզվի դպրոցական դասընթացը անհրաժեշտ և բավարար գիտելիքներ է տալիս լեզվական համակարգի բոլոր բաժինների վերաբերյալ: Հայոց լեզվի դասընթացը պետք է նպաստի գործնական բնույթի գիտելիքների, հմտությունների ու կարողությունների զարգացմանը:

Միջնակարգ դպրոցում գրականություն առարկայի դասավանդման նպատակն է գրական ստեղծագործությունների ուսումնասիրությունը, որի ընթացքում սովորողներին նրանց տարիքին և կրթական մակարդակին համապատասխան համակարգված գիտելիքներ են հաղորդվում գրականության տեսության և պատմության, նշանավոր հայ և օտարազգի գրողների կյանքի ու գործի վերաբերյալ, ձևավորվում են քննադատական վերաբերմունք, գրական երկերը համարժեքորեն ընկալելու, վերլուծելու և գնահատելու կարողություններ:

Գրականությունը որպես խոսքի արվեստ սերտ կապի մեջ է ինչպես արվեստի այլ տեսակների հետ, այնպես էլ հայ և այլ ժողովուրդների բանահյուսության հետ:

Գրականության դասավանդման հիմական նպատակներից մեկը անհատի հոգևոր ու մտավոր զարգացմանը, անձի արժեքային համակարգի ձևավորմանը նպաստելն է, գրական հերոսների օրնակով և գրական երկերի գաղափարազեղարվեստական հարստության օգտագործումով նրանց մեջ դաստիարակել մարդասիրական ոգի, բարություն, ընկերասիրություն, ազնվություն, բարեխղճություն և մարդու քարոյական այլ հատկանիշներ:

Հայոց լեզու և գրականություն ուսումնական բնագավառում ուսուցման շարունակականության սկզբունքն ապահովում է լեզվական մակարդակների հետևողական ընտրությամբ, նախորդ դասարաններում անցած նյութի պարբերաբար կրկնությամբ և նոր նյութի հետ կապելով, բառապաշարի հարաճուն հարստացմամբ ու գործունացմամբ:

2. Գրական ակնարկ

Կրթությունն իր մեջ ներառում է երեք կանոն խնդիր՝ ի՞նչ սովորեցնել(կրթության բովանդակություն) ինչի՞ համար սովորեցնել(կրթության նպատակներ) և ինչպե՞ս սովորեցնել(ուսուցման մեթոդներ): Ուսուցման մեթոդն ուսուցման անպիսի ձև է, նպատակին հասնելու այնպիսի միջոց, որը կիրառվում է պարբերաբար և մեծ ազդեցություն է թողնում մանկավարժական աշխատանքի ամբողջական ուղղվածության վրա: Մինևույն ժամանակ ուսուցման մեթոդը դասավանդողի և սովորողների հետևողական փոխկապակցված գործողությունների համակարգն է, որն ապահովում է կրթության բովանդակության արդյունավետ յուրացմանը: Ընդհանրացնելով կարող ենք ասել, որ ուսուցման մեթոդը դասավանդողի և սովորողի համագործակցությունն է ուսումնական միջավայրում, նրանց համատեղ գործողությունն է՝ միտված ուսումնական նպատակների իրականացմանը:

Սովորողը ուսումնառության ընթացքում ձեռք է բերում որոշակի ընդհանուր և հիմնարար հասկացություններ, փաստեր հայոց լեզվից, գրականությունից, գրականագիտությունից: Նշյալ ոլորտներից ձեռք բերած գիտելիքների յուրացումը առավել արդյունավետ է դառնում համագործակցային ուսուցման ժամանակակից մեթոդների կիրառմամբ: Համագործակցային ուսուցումը այլընտրանքային մանկավարժական մոտեցում է, որը բաղկացած է դասավանդման ընթացակարգերի և մեթոդների ամբողջությունից՝ հիմնված դասարանում սովորողների փոքր խմբերի բաժանելու վրա: Երբեմն համագործակցային ուսուցումը անվանում են «փոքր խմբային ուսուցում»:

Համագործակցային ուսուցման միջոցով սովորողները կարող են լուծել այն խնդիրները, որոնք իրենց առաջարկվում են՝ որպես խումբ: Սովորողները կկարողանան խորացնել իրենց գիտելիքները, ավելի մոտիվացված լինել՝ առաջադրանքները կատարելու համար: Աշխատանքի որակը կարող է աճել՝ համեմատած անհատական աշխատանքի հետ, ձեռք բերած գիտելիքներին տիրապետելու աստիճանը ևս կբարձրանա, քանի որ ուսուցման գործընթացը հիմնված է համագործակցության և փոխօգնության վրա: Համագործակցային ուսուցման մեջ էական են ոչ միայն ակադեմիական գիտելիքներ և հմտություններ ունենալը, այլև կարևորվում է խմբային զարգացման միջոցով հմուտ համագործակցողներ և գիտելիքների ակտիվ կիրառողներ դառնալը:

Խմբի անդամները սովորում են՝

- Տեսնել ամենակարևորները
- Կայացնել համատեղ որոշումներ աշխատանքի եղանակների և փոփոխությունների վերաբերյալ
- Ըմռնել շարունակական գնահատումը և մշակումը
- Քննադատաբար գնահատել և արժևորել արդյունքները

- Տալ և ստանալ հետադարձ կապ՝ ինքնագնահատում, հետադարձ կապ խմբի անդամներին, խմբային գնահատում՝ ինչպիսի՞ն ենք մենք՝ որպես խումբ, ի՞նչը պետք է բարելավենք: Ուսուցիչը տալիս է հետադարձ կապ խմբերին և հակառակը:

Այն ուսումնական ռազմավարություն է, որտեղ աշակերտների փոքր խմբերը աշխատում են միասին, մի ընդհանուր հանձնարարության վրա: Հանձնարարությունը կարող է լինել հեշտ, պարզից բարդ անցումով: Ուսուցիչը միանգամից, մի դասի ժամանակ չի կարող օգտագործել մեթոդների հարուստ զինանոցը: Նա պետք է որոշակի դասի համար կատարի ուսուցման մեթոդի, հնարի ընտրություն:

Ուսուցման մեթոդի հիմքում ընկած են այն խնդիրները, որոնք լուծվում են դասի ժամանակ կամ որոշակի փուլում: Բացի դասի նպատակից ու խնդիրներից, մեթոդի ընտրությունը կախված է նաև՝

1. Դասի տիպից ու կառուցվածքից
2. ուսումնական նյութի բովանդակությունից
3. դասարանում աշակերտների թվաքանակից
4. աշակերտների տարիքից
5. պատրաստվածության մակարդակից, շահագրգռվածությունից
6. ուսումնադիտողական պարագանների առկայությունից
7. ժամանակից,
8. Ուսուցչի պատրաստվածության մակարդակից և այլ գործոններից:

Համագործակցային ուսուցման տարերի կիրառումը նպաստում է դասարանում նոր՝ համագործակցային միջավայրի ձևավորմանը, օգնում է ուսուցչին պլանավորելու դասը, պայմաններ է ստեղծում ուսուցման արդյունավետության, գնահատման, արժեքավորման համար, ինչպես նաև բարելավում է խմբային աշխատանքը: Ըստ Դեյվիդ Ջոնսոնի և Ռոջեր Ջոնսոնի՝ կան 5 հիմնական բաժիններ, որոնք նպաստում են հաջող խմբային ուսուցման.

1. դրական փոխկախվածություն
2. խթանող փոխազդեցություն
3. պատասխանատվություն
4. խմբային գործընթաց:
5. սոցիալական հմտություններ:

Համագործակցային ուսուցման մեթոդներից են

- 1.՝ աշակերտների թիմային առաջադիմություն
2. խճանկար
3. շրջագայություն պատկերասրահում
4. երեք բանալի և մեկ կողպեք
5. հնդկական մեթոդը և այլն:

Համագործակցային ուսուցման ընթացքում ուսուցիչ չի կարող օգտագործել բոլոր մեթոդները:

Փորձարական հետազոտություն

3.1.Խմբի նկարագիրը

Ես իմ հետազոտական աշխատանքը անցկացրել եմ Գեղարքունիքի մարզի Զուլաքարի Ա.Վարդանյանի անվան հ. 2 միջնակարգ դպրոցի 7-րդ դասարանում: Այս դասարանում սովորում են 32 աշակերտ:Աշակերտները սովորում են երկու

Խմբում: Իմ խմբում սովորում են 17 աշակերտ՝11 տղա և 6 աղջիկ, որոնք ունեն տարբեր առաջադիմություն և հմտություններ: Խմբում ներգրավված են տարբեր կարողությունների և հմտությունների տեր աշակերտներ, բայց միջին մակարդակի աշակերտներ ավելի շատ են, ինչը պատճառ դարձավ, որ ես իմ հետազոտական աշխատանքը իրականացնեմ համագործակցային ուսուցման միջոցով՝ կարևորելով <<Աշակերտների թիմային առաջադիմություն >> և <<Խճանկար>> մեթոդները, որը հնարավորություն կտա ուսումնական գործընթացի մեջ ներգրավել բոլոր աշակերտներին՝ միաժամանակ ուշադրություն կենտրոնացնելով թույլ սովորող աշակերտների վրա: Այս մեթոդի կիրառման հիմնական քայլերն են՝

- ա.առաջադրանքի սահմանումը
- բ.տեղեկությունների որոնման տարատեսակ ռազմավարությունները
- գ.տվյալներ և տեղեկություններ ստանալու մատչելիությունը
- դ.տեղեկությունների օգտագործումը և խնդիրների լուծումը
- ե.վերլուծություն
- զ.գնահատում:

Ուսուցանում-ուսանում գործընթացն ունի երկու նպատակ՝

1.տվյալ առարկայի նպատակը՝դասավանդվող նյութի հիման վրա զարգացնել ճանաչողական հմտությունները:

2.սոցիալական նպատակը՝ առաջինը՝աշակերտները պատասխանատվություն են ստանձնում,երկրորդը՝նյութը դասավանդվում է համագործակցության վրա հիմնված տարբեր եղանակներով,ինչն իր հերթին զարգացնում է նաև աշակերտների շփման հմտությունները:

3.2 Փորձարարական դաս-1

Իմ փորձարարական առաջին դասի թեման է «Գոյականի թիվը» (տե՛ս դասապլան-1 էջ 10): Դասաժամն սկսվեց տնային աշխատանքի ստուգումով.

Բոլորը ներկայացրին տնային աշխատանքները, քննարկվեց և ուղղվեց սխալները: Տրվեց բանավոր հետադարձ կապ: Դասն սկսվեց հարցադրումներով: Ամփոփվեց «Անձնանիշ և իրանիշ գոյականներ» թեման, որպեսզի ստուգվեր աշակերտների ձեռք բերած գիտելիքները անցած թեմայից: Աշակերտները պատասխանեցին հարցադրումներին իմ ուղղորդող հարցերի օգնությամբ: Ավանդական մեթոդով նոր թեման բացատրելուց հետո դասարանը բաժանվեց 4-5 հոգանոց տարասեռ խմբերի՝ յուրաքանչյուր խմբում ընդգրկելով գերազանց, միջին և ցածր առաջադիմությամբ աշակերտների: Խմբերին տրվեց նոր թեմային առնչվող հանձնարարություն՝ նշելով, որ հանձնարարության կատարումը համարվում է ավարտված, երբ խմբի յուրաքանչյուր անդամ յուրացրած կլինի նյութը: Յուրաքանչյուր խումբ յուրացնում է դասի իր հատվածը փորձագիտական խմբում և վերադառնում հենակետային խումբը, որտեղ համատեղ ուժերով սովորում են ամբողջ դասը: Ուժեղ սովորող աշակերտները օգնում են իրենց թույլ սովորող ընկերներին յուրացնելու դասը: Աշակերտների կողմից նյութի յուրացվածությունը կստուգվի ուսուցչի կողմից տրված առաջադրանքներով: Ապա ստուգվում է նյութի յուրացման աստիճանը: Յուրաքանչյուր աշակերտ ինքնուրույն է կատարում առաջադրանքը: Առաջադրանքի կատարման, ստուգման համար կիրառվող գնահատման համակարգն այնպիսին է, որ յուրաքանչյուր աշակերտ իր գնահատականով իր ներդրումն է ունենում խմբի ընդհանուր ցուցանիշում: Գնահատման միավորների սանդղակի ընտրությունը ուսուցչի հայեցողության տակ է: Այս մեթոդը խթանում է աշակերտների ուսումնառությունը: Այստեղ էական է այն հանգամանքը, որ գնահատվում է սովորողների առաջընթացը և լուրջ խթան է ցածր առաջադիմությամբ սովորողների համար, քանի որ նույնիսկ չնչին առաջընթացի պարագայում կարող է որոշակի ներդրում ունենալ թիմի արդյունքում: Իսկ միջին և բարձր առաջադիմությամբ աշակերտները պետք է մի կողմից աջակցեն իրենց դասընկերներին՝ բարելավելու իրենց ցուցանիշները, մյուս կողմից՝ պահպանել ու բարելավել իրենց նախորդ ցուցանիշները: Այսպիսով՝ խմբի յուրաքանչյուր աշակերտ ունի սովորեցնելու և սովորելու խթան: Այս մեթոդը մշակվել է Ռոբերտ Սլավինի կողմից :

Խմբային աշխատանքում դրսևորվում են խմբի անդամների անհատական առանձնահատկություններ, միաժամանակ ձևավորվում խմբի անդամին հատուկ կարողություններ՝ համագործակցելու, դիմացինին լսելու և հարգելու կարողունակություններ: Գլխավոր նպատակը՝ սովորել սովորեցնել: Շատ օգտակար

է դերերի բաշխումը խմբի յուրաքանչյուր անդամի համար՝ ապահովելով, որ յուրաքանչյուր անդամ, իր ընդունակությունների սամմաններում, ներգրավվի խմբի աշխատանքներում: Նման խմբային աշխատանքն ապացուցում է այն տեսությունը, որ աշակերտները կարող են շատ արդյունավետ կերպով սովորել միմյանցից: Արդյունավետ համագործակցության հիմքում ընկած է աշխատանքի հավասար բաժանումը և փոխադարձ պատասխանատվությունը: Դրան կարելի է հասնել՝ խմբի անդամներից յուրաքանչյուրին դեր-առաջադրանք տալով: Արդյունավետ կլինի, եթե ուսուցիչը բաշխի դերերը:

Խումբը կարող է ձևավորվել պատահականության սկզբունքով, աշակերտների ցանկությամբ կամ էլ ուսուցչի կողմից՝ միտումնավոր կերպով:

Համագործակցային ուսուցումը ունենալով դրական շատ կողմեր՝ գերծ չէ նաև թերություններից, այսինքն՝ ունի նաև բացասական կողմեր: Օրինակ՝ խմբային աշխատանքի ժամանակ որոշ աշակերտներ «գլուխ են պահում»: Արտաքուստ թվում է, թե աշակերտները ակտիվ են, բայց վերջում պարզվում է, որ մնացորդային գիտելիքների մակարդակը ցածր է:

Նոր մանկավարժության մեջ չպետք է լինեն մեթոդների և հնարների հակադրում: Բոլոր մեթոդներն ու հնարները ինչ- որ իրավիճակում կարող են օգտակար լինել:

Դասապլան 1

Ուսուցիչ՝ Գ.Զիրոյան

w

Առարկա՝	Հայոց Լեզու	Ամսաթիվ		Կիսամ յակ	1	Դասարա ն
Թեմա՝	Գոյականի թիվը					
Օգտագործ- վող նյութեր՝	VII-րդ դասարանի դասագիրք, Տետրեր, կաշուն թղթեր, քարտեր					
Դասի նպատակը՝	<ul style="list-style-type: none"> ➤ Խորացնել և ամրապնդել գոյականի թվի վերաբերյալ գիտելիքները, ➤ Սովորել և հիշել գոյականի թվի կազմության օրենքների շեղումները, ➤ սահմանել՝ ինչ է գոյականի թիվը, ➤ բացատրել գոյականի թվի ուղղագրությունը 					
Ուսուցանման արդյունքներ, որոնք կփաստեն, որ ուսուցումը տեղի ունեցավ						
Վերջնարդ- յունքները	<p>Աշակերտը կկարողանա</p> <ul style="list-style-type: none"> • տարբերակել եզակի թիվը հոգնակիից, • բացատրել ինչ է գոյականի թիվը, • ինչպես կազմել գոյականների հոգնակի թվի ձևերը, • ինչպես ճիշտ գրել գոյականների հոգնակիի ձևերը: 					
Գործողութ- յուններ (Ժամ/տևողու թյուն)	Ուսումնական գործունեություն Աշակերտներ	Ուսումնական գործունեություն Ուսուցիչ	Հարցադրու մներ	Կիրառվող մեթոդ		

Մուտք, ներկա - բացակա/3ր/		Ողջունել դասարանին,ն/բ անել		Աշակերտնե րի թիմային առաջադիմո ւթյան մեթոդ Խճանկար
Սկիզբը՝ 5-7ր	Բացել դասագրքերը,պատրա ստվել նոր դասին,նեկայացնել տնային աշխատանքները	Ստուգել տնային աշխատանքը,բացատ րել անհասկանալի մասերը	Ի՞նչ է գոյականը: Քանի՞ տեսակ է լինում, ո- րոնք՞ են անձնանիշ և իրանիշ գոյականնե րը: Ինչպե՞ս են գրվում բաղադրյալ հասուկ գոյականնե րը: Գոյականը քանի՞ թիվ ունի: Ինչպե՞ս է կազմվում հոգնակի թիվը: Ինչպիսի՞	

<p>ընթացք/25-30ր/</p>	<p>Աշակերտները աշխատում են խմբերով, ուսումնասիրում են գոյականի թիվը, կատարում են առաջադրանք, ուսուցման ընթացքում օգնում են ընկերներին յուրացնել նեյու նյութը, ինքնուրույն կատարում են առաջադրանքը, խմբերը ներկայացնում են կատարված աշխատանքը</p>	<p>Ուսուցիչը</p> <ol style="list-style-type: none"> 1. դասարանը բաժանում է խմբերի, կազմում փորձագիտական և ուսումնական խմբեր ուսուցանվող նյութը յուրացնելու համար հետևում խմբերի աշխատանքին, 2. լսում խմբերին, ստուգում 3. առաջադրանք տալիս, բացատրում է ներկայացնում և գնահատման չափանիշները 	<p>շեղումներ կան հոգնակի թվի կազմության ժամանակ: Ինչպիսի ուղղագրական դժվարություններ կան հոգնակի թվի կազմության ժամանակ:</p>	
<p>Ավարտ</p>	<p>Գուշակում են անցկացված դասի նպատակները, համեմատում են դասի իմ ներկայացրած նպատակների հետ: Թերթիկների վրա գրում են ինչ սովորեցին, ինչ թերըմոնում ունեն, և հանձնում են:</p>	<p>Ներկայացնում է դասի նպատակների և վերջնարդյունքների իր տաբերակը, հանձնարարում է յուրաքանչյուր աշակերտի թերթիկի վրա նշել իր կողմից նախատեսված վերջնարդյունքները սեփական ձեռքբերումների հետ, նշել նաև թերըմոնները՝ հաջորդ դասին անդրադառնալու:</p>		
<p>Տնային աշխատանք 3ր</p>		<p>Տնային աշխատանքի հանձնարարում</p>		

Տնօրենի ուսումնական աշխատանքների գծով
տեղակալ՝ Ն.Մխիթարյան

Թեստ

- 1.Ընդգծել գոյականները.
Գեղեցիկ,տուն, ուրախություն, Արմեն, կարդալ, սեղան, որտեղ, սեր, արագ,կարծիք(1միավոր)
- 2.Բերել անձ և իր ցույց տվող գոյականների 2-ական օրինակ(1միավոր):
- 3.Ճիշտ գրել տրված բաղադրյալ հատուկ գոյականները.(1միավոր
Հայաստանի հանրապետություն, նոր երկիր կղզի, վերին գետաշեն,աշոտ երկաթ
- 4.Ընդգծել սխալ գրված գոյականները.(1միավոր)
Վիպագրեր, մեծատուններ, Տիգրան մեծ, ծառներ, սյուններ,կայսրներ, դուստրեր, լրագիրներ
- 5.Ընդգծել որոշյալ առումով գործածված գոյականները.(1միավոր)
Գիրքս վերցնելով՝ մոտեցա Արմենին:
- 6.Կազմել տրված գոյականների հոգնակի թիվը.(2միավոր)
Աստղագետ,նստացույց,կայսր, մուկ, տուն, մարդ, սեղան,հերթապահ
- 7.Կազմել նախադասություններ՝ գործածելով գյուղացի և երի տասարդ բառեր՝ մի դեպքում որպես առարկա,մի այլ դեպքում՝ հատկանիշ:(3միավոր)

Փորձարական դաս- 2

Քանի որ կարևորում եմ համագործակցային ուսուցման դերը թույլ սովորող աշակերտներին դասընթացի մեջ ներգրավելու գործում, ապա երկրորդ դասում նույպես կանդրադառնամ համագործակցային մեթոդներին:Թեման Հր. Մաթևոսյանի <<Կանաչ դաշտը>> պատմվածքն է, որը նախատեսված է յոթերորդ դասարանի ծրագրով՝ 5ժամով:Փորձարարական դասի համար ընտրել եմ վերջին դասաժամը:Այս դասաժամին քննարկվելու են էկոլոգիական խնդիրները պատմվածքում:Նախորդ դասաժամերին աշակերտները ուղղորդված ընթերցանության միջոցով ուսումնասիրել են պատմվածքի կառուցվածքը, ժանրային և գեղարվեստական առանձնահատկությունները:Դասարանը աշխատել է խմբերով,վերջին դասաժամը նույպես աշխատում են համագործակցային խմբերով:Խնդրի պարզաբանման համար նախապատրաստել եմ ուղղորդող հարցադրումներ.

- 1.Ինչպե՞ս են գործում բնության օրենքները մարդու,կենդանիների,բույսերի միջև մղվող բնական պայքարում:
- 2.Մարդը ինչպե՞ս է միջամտում բնության բնականոն ընթացքին և դրա հետևանքները
- 3.Բնական պայքարը ինչպիսի՞ դրսևորում ունի պատմվածքում:
- 4.Ո՞ր կողմերի միջև է պայքարը:
Խմբերը մտածում են հարցերի շուրջ և պատրաստում պատասխանները:Ես հարց-

նում եմ թույլ սովորողներին:Խմբերը նույպես նախապատրաստում են հարցեր մյուս խմբերի համար:Հնչում է առաջին խմբի հարցը՝ ի՞նչ կլինեն ,եթե մարդիկ իրենց շներով չմիջամտեին ձիու և գայլի պայքարին:Լսում ենք կողմերի պատասխանները:

2-րդ խմբի հարցը՝ դուք կցանկանայիք ,մայր գայլին շները խեղդեին:Լսում ենք պատասխանները:

3-րդ խմբի հարցը՝ ինչու՞ են պայքարում մայր գայլը և մայր ձին:

4-րդ խմբի հարցը՝ այդ պայքարում կարելի՞ է հավասար իրավունքի նշան դնել կողմերի միջև:

Կողմերի պատասխանները լսելուց հետո ամփոփում եմ և տալիս նոր հարցեր:

Ինչպե՞ս է Մաթևոսյանը արտահայտել իր վերաբերմունքը այս պայքարի նկատմամբ:

Քանի որ խմբերը կազմված են գերազանցիկ,միջին մակարդակ և թույլ սովորող աշակերտներից,լավ սովորող աշակերտների օգնությամբ հնչում են պատասխանները թույլերի կողմից:

Ես աշակերտների ուշադրությունը կենրոնացնում եմ պատմվածքում կրկնվող երկու արտահայտությունների վրա.

1.<<Բախտը հո չէր կարող լինել անքան անողորք>>,որը կրկնվում է և՛ գայլի պայքարի ավարտին, և՛ հոգնած ու ուժաթափ պառավ ձիու պայքարի ավարտին:Խմբերը պատասխանում են. Այն է՝ կողմերը պայքարում են տեսակի պահպանման համար:

2.<<կայծակը չոր ճայթունով բախվեց ժայռին,մի կողմ շպրտվեց և թաղվեց կանաչ գետնի մեջ>>:Հնչեցնում եմ հարցը՝ ինչ՞ու է Մաթևոսյանը կրկնել այս արտահայտությունը:Խմբերը մտածում են և իմ օգնությամբ պատասխանում՝ կյանքը շարունակվում է, պայքարը՝ նույնպես:

Խմբերին առաջարկում եմ կազմել Վենի դիագրամ՝ մայր գայլին և մայր ձիուն բնութագրելու համար,օգտագործել քառաբաժանի մեթոդը բնության երևույթները նշելու համար:Դասի ավարտին հանձնարարում եմ տանը գրել շարա-
դրություն<<Էկոլոգիական խնդիրները պատմվածքում>> վերնագրով և տանը ԿարդալՋեկ Լոնդոնի <<Կյանքի սերը>> պատմվածքը:

Դասապլան 2

Ուսուցիչ՝ Գ.Զիրոյան

Առարկա՝	Գրականություն	Ամսաթիվ	Կիսամյակ	1	Դասարան	7
Թեմա՝	Հր. Մաթևոսյան «Կանաչ դաշտը» պատմվածքը					
Օգտագործվող նյութեր՝	Դասագիրք, կաշուն թղթեր, մարկերներ, բառատետր					
Դասինպատակը՝	<ul style="list-style-type: none"> • Հասկանալ բնական երևույթների օրինաչափությունները • Ներկայացնել և հիմնավորել տեսակի պահպանման բնականոն ընթացքը • Հակիրճ ձևակերպել պատմվածքի գաղափարը • Ցույց տալ ինչ էկոլոգիական խնդիր է լուծել հեղինակը 					
Ուսուցման արդյունքներ, որոնք կփաստեն, որ ուսուցումը տեղի ունեցավ						
Վերջնարդյունքները	<p>Մշակերտը կկարողանա՝</p> <ul style="list-style-type: none"> • ներկայացնել պատմվածքի գաղափարական նպատակաուղղվածությունը • տալ պատմվածքի կառուցվածքային մասերի վերլուծություն • Արժևորել հեղինակի գրական վարպետությունը • Գնահատել պատմվածքի գեղարվեստական արժանիքները • Հասկանալ և վերլուծել բարձրագույն խնդիրները 					
Գործողություններ (Ժամ/տևողություն)	Ուսումնական գործնականություն Աշակերտներ	Ուսումնական գործնականություն Ուսուցիչ	Հարցադրումներ	Կիրառվող մեթոդներ		
Մուտք՝ 5-7ր, ներկա - բացակա/3ր	Աշակերտները ընթերցում են Հանձնարարված վերջին հատվածը, նկարում են կանաչ դաշտում արածող քուռակին և մայր ձիուն Պատասխանում	Ուսուցիչը աշակերտների ուշադրությունը կենտրոնացնում է սկզբում և վերջում նույնությամբ կրկնվող հատվածների վրա: Ուսուցչի և աշակերտների կողմից տրվում են հարցեր,	Ի՞նչ կլիներ, եթե մարդիկ չմիջամտեին ձիու և գայլի պայքարին Դուք կցանկանայի՞ք, որ շները խեղդեին մայր գայլին: Ինչպե՞ս է իր	Ուղղորդված հարցադրումներ, Վենի դիագրամ, ուղղորդված ընթերցանություն, կանխագուշակող		

<p>Դասի ընթացքը/25-30ր/</p>	<p>և՛ ուսուցչի ուղղորդող հարցերին,և՛ Խմբերի կողմից հնչած հարցերին: Տեքստից դուրս գրում ուսուցչի կողմից ընդգծած հատվածները և բացատրում, լսում և քննարկում հարցերը: Քանի որ խմբերը կազմված են տարբեր կարողությունների տեր աշակերտներից, նախապատվությունը տրվում է թույլ սովորողների պատասխաններին,որոնց օգնում են ուժեղները: Աշակերտները Վենի դիագրամի միջոցով բնութագրում են մայր գայլին և մայր ձիուն,կանխագուշակող աղյուսակի միջոցով մատնանշում են բնության երևույթները: Խմբերը ներկայացնում են իրենց կարծիքները հեղինակային Կրկնությունների առթիվ և բացատրում:</p>	<p>բացատրվում են անհասկանալի բառերը:</p> <p>Ուսուցիչը աշակերտների ուշադրությունը կենրոնացնում է <<Բախտը հո չէր կարող լինել այդքան անողորմ>>արտահայտությանը</p> <p>,որը կրկնվում է և՛ գայլի պայքարի ավարտին,և՛ հոգնած ու -- ժաթափ ձիու համար,և 2-րդ արտահայտությունը. <<Կայծակը չոր ճայթունով բախվեց ժայռին,մի կողմ շարտվեց և թաղվեց կանաչ գետնի մեջ>>:Այս արտահայտությունը կրկնվում է և՛ պատմվածքի սկզբում, և՛ վերջում:</p>	<p>վերաբերմունքը արտահայտել գայլի և ձիու պայքարի վերաբերմամբ Մաթևոսյանը : Ինչպիսի՞ էկոլոգիական հարց է բարձրացնում: Ինչու՞ է նույն կերպ սկսում և ավարտում պատմվածքը:</p>	<p>աղյուսակ</p>
-----------------------------	---	---	---	-----------------

Ավարտը		<p>Խմբերը 5-6 նախադասությամբ բնութագրում են գայլին և ձիուն:</p> <p>Կատարվում է գնահատում:</p>		
Տնային աշխատանք 3ր		Գրել շարադրություն <<Էկոլոգիական խնդիրները պատմվածքում>>		

Տնօրենի ուսումնական աշխատանքների գծով տեղակալ՝ Ն.Մխիթարյան

Վերլուծություն

Հիմնվելով հետազոտության արդյունքների վրա՝ կարելի է փաստել, որ աշակերտները սիրով մասնակցում են համագործակցային մեթոդով արված խմբային աշխատանքներին: Սիրով սովորեցնում են և սովորում, ըմբռնում են պատասխանատվությունը և՛ խմբի, և՛ իրենց համար: Խմբային գործունեության արդյունքում սովորողների մոտ դրսևորվում են այնպիսի հմտություններ և կարողություններ, որոնք մինչ այդ մութ էին նաև ուսուցչի համար: Լինելով ուղղորդող ուսուցիչը բացահայտում է դրանք և ճիշտ կազմակերպում ուսուցումը: Ինչ-

պես ցույց տվեցին հետազոտության արդյունքները, որպեսզի աշակերտները ունենան կայուն գիտելիքներ, պետք է կրկնել, ամրապնդել, կիրառել, կապակցել, հետադարձ կապ կատարել՝ ն՝ քանավոր հարցադրումների միջոցով, ն՝ գրավոր թեստերի քարտերի միջոցով: Աշակերտների կարողունակությունները բացահայտելու համար անցկացվեց փորձարարական 2 դաս՝ համագործակցային մեթոդների կիրառմամբ: Չեն կարող ասել թե որքանով է այն հաջողել, բայց այնամենայնիվ ուսուցման ճիշտ մեթոդների ընտրությունը կարևոր է ուսուցման նպակադրված արդյունքին հասնելու համար, որի ընթացքում բացահայտվում են աշակերտների կարողունակությունները:

Գրականության ցանկ

1. Ա. Խաչատրյան- Ուսուցման արդյունավետ հնարներ, Եր.: Ֆրիդրիխ Էբերտ հիմնադրամ, Հայաստան 2020, 74 էջ:
2. Վ՛Սահակյան- Համագործակցային ուսուցման, համագործակցայի մեթոդների, հնարների կիրառման արդյունավետ հմտությունների ձևավորումը պատմության դասերին: Հոդված:
3. Դ. Ճարատանյան- Համագործակցային ուսուցում: 25.07.2021 թ: Հոդված:
4. Թեստերի կառուցման և արդյունքների վերլուծության հիմունքներ: - Ձեռնարկ